



Broj: 06-05-2750-1/2020  
Travnik, 05.01.2021. godine,

Na osnovu člana 37. stav 3. i 4. Zakona o lovstvu ("Službene novine Federacije BiH", broj 4/06, 8/10 i 81/14), Ministarstvo poljoprivrede, vodoprivrede i šumarstva SBK/KSB propisuje:

**USLOVE, KRITERIJE I POSTUPAK DODJELE SPORTSKO PRIVREDNIH LOVIŠTA U ZAKUP I  
NAČIN VREDNOVANJA PONUDA ZA DODJELU LOVIŠTA**

Pravo učešća na javnom pozivu za dodjelu sportsko-privrednih lovišta osnovanih Odlukom o osnivanju lovišta na području Srednjobosanskog kantona („Službene novine SBK/KSB“, broj 14/20) u zakup imaju Lovačka udruženja koja ispunjavaju opće kriterije iz Javnog poziva i to:

- da imaju urednu registraciju za obavljanje djelatnosti lovstva,
- da su osigurala finansijska sredstva za provođenje lovno-privredne osnove, za spriječavanje i nadoknadu šteta od divljači kao i na divljači i lovištu,
- da se protiv istih ne vodi postupak i da nisu dva ili više puta u toku lovne godine kažnjavana za prekršaj iz člana 82. stav 1. tačka 1., 2., 3., 4. i 5. Zakona o lovstvu („Službene novine Federacije BIH“, broj 4/06, 8/10 i 81/14),
- da su članovi nekog od Saveza (Saveza lovačkih organizacija BIH ili lovačkog saveza Herceg Bosne), za asocijacije - osnivači asocijacije su obavezni priložiti dokaz o pripadnosti nekom od Saveza u originalu ili ovjerenoj kopiji, u skladu sa članom 2. Pravilnika o uslovima gospodarenja lovištima („Službene novine Federacije BIH, broj:63/06),
- da će osigurati da u gospodarenju lovištem imaju saradnju stručnih lica za planiranje i realizaciju stručnih poslova i zakonskih odredbi, u skladu sa članom 42. zakona o lovstvu, u roku od tri mjeseca od dana potpisivanja ugovora o dodjeli lovišta,
- da će organizovati lovočuvarsku službu u skladu sa članom 75. Zakona o lovstvu Federacije BIH do potpisivanja ugovora o dodjeli lovišta.

1. Kriteriji za korištenje lovišta, zakupnina-cijena \_\_\_\_\_ KM  
maksimalno do 30 bodova,

Bodovi koje ponuđač dobije za visinu ponuđene zakupnine za korištenjem lovišta izračunava se po slijedećoj formuli

$$P = \frac{P_t}{P_l} \times (30)$$

P-broj bodova koju je ponuđač dobio za ponuđenu zakupninu,  
Pl-zakupnina koja je predložena u ponudi koja je predmet ocjene,  
Pt-najviša ponuđena zakupnina za predmetno lovište,  
(30) maksimalan broj bodova koji je dodijeljen ponuđaču za najviše ponuđenu zakupninu za korištenje lovišta.

2. Posjedovanje izgrađenih lovno-tehničkih i lovno-uzgojnih objekata maksimalno do 30 bodova.
3. Ostvareni rezultati u dosadašnjem gospodarenju maksimalno do 30 bodova.

Za ovaj kriterij ponuđač dostavlja slijedeću dokumentaciju:

-ovjerena kopija evidencije vrijednih trofeja (sa jednom od medalja prema kriterijima CIC a) u skladu sa članom 3. stav 2. Pravilnika o obrascu, sadržaju, načinu i postupku izdavanja potvrda i trofejnog lista za trofeje odstrijeljene divljači („Službene novine Federacije BiH“, broj 63/08), maksimalno do 10 bodova,

-Tabelarni i grafički prikaz brojnog stanja glavnih uzgojnih vrsta divljači u odnosu na kapacitet lovišta u prethodnih 10 (deset) godina na koje je bila data lovna saglasnost, ovjeren od strane ponuđača

maksimalno do 10 bodova,

- Tabelarni i grafički prikaz planiranog i realizovanog odstrela u prethodnih deset godina na koje je bila data lovna saglasnost (ovjeren od strane ponuđača),

maksimalno do 10 bodova,

4. Broj korisnika-članova Lovačkog udruženja \_\_\_\_\_

maksimalno do 10 bodova,

Bodovi koje ponuđač dobije za broj članova izračunava se po slijedećoj formuli:

$$R = \frac{Rl}{Rt} \times (10)$$

R-broj bodova koji je ponuđač dobio za ponuđeni broj članova u LD,  
Rl-broj članova koji je predložen u ponudi koja je predmet ocjene,  
Rt-najveći ponuđeni broj članova,  
(10) maksimalan broj bodova.

Broj korisnika-članova Lovačkog udruženja dokazuje se ovjerenom izjavom o broju korisnika-redovnih članova.

Ukupan broj bodova se određuje prema formuli:

$U = P + \text{vrijednost trofeja} + \text{ulaganje u lovnotehničke i lovnouzgojne objekte} + \text{planirani i realizovani odstrel} + R$

Naprijed navedeni kriteriji biće sastavni dio Javnog poziva.

Komisija će provesti slijedeće aktivnosti:

- na osnovu prispjelih ponuda i donesenih kriterija izvršiti bodovanje ponuda,
- sačiniti listu ponuda po lovištima,
- pripremiti prijedlog liste dodjele sportsko-privrednih lovišta u zakup,
- sačiniti konačni izvještaj o provođenju postupka dodjele sportsko-privrednih lovišta u zakup i dostaviti ministru Ministarstva poljoprivrede, vodoprivrede i šumarstva Srednjobosanskog kantona.

Sportsko-privredna lovišta pod zakup dodjeljivat će se na period od 10 (deset) lovnih godina.

Po dobivanju konačnog izvještaja Komisije za provođenje procedure dodjele sportsko-privrednih lovišta u zakup ministar Ministarstva poljoprivrede, vodoprivrede i šumarstva Srednjobosanskog kantona, predložit će Vladi Srednjobosanskog kantona da donese Odluku o dodjeli sportsko-privrednih lovišta u zakup najpovoljnijem ponuđaču koji ispunjava kriterije propisanim Javnim pozivom.

MINISTAR

Salkan Merdžanić mr.sci.

